

اسلام مبعوثی

معارف : دینی پر حیات ، حیاتی پر دینہ ، درس

پیل ۴ صفائی ۵۱ ۱۵ ربیع الآخر ۱۳۳۵ مدیری : حلیم ثابت
۲۶ کاغذ ثانی ۱۳۳۲

جلد : ۵

قرآنہ کریم

سورۃ ناسک ۹۷ بھی آیتدن ۱۱۰ بھی آیتہ قدیر مفہوم شریفی
[حاشیہ لی مفہوم قرآندن]

مرحوم مناسرتلی رفعت

کلام

علم کلام تاریخی

قرہ حصار مبعوثی محمد کامل

اسلام اجتماعی

اتحاد و ترقی قونفرہ سی مناسبتیہ

[اسلامیت و عصری مدنیت] ... *

ملی اقتصاد

احمد محی الدین

داخلی استعمار

افہرہ

بسم آفتابی

دین - اخلاق (معنای اخلاق)

نسخہ سی ۶۰ بارہ در

توزیع یری زمان کتب خانہ سیر

نجم استقبال عطیسی

يەنە قران كرىمدە دىن ايله عقلك مؤاخاتى تاويل قبول ايتماز بىر صورتدە
تەصرىح بىورلمشدركه بوحال تاريخ اديانده ايلك دفعه اوله رق كوريليوردي.
فصلكه قرآنك بتون خطابانى اصحاب تفكره در . وجودبارى يە، ذاتبارىنك
يرطاقم يىغمبرلر ارسالته قدرته ، يىغمبرلرە وختى ايتدىكى احكام عاليه علمنه،
آنلرى رتبە رسالته تخصيصى اراده بىورمسنه علم كى اعتقادى مسائلك اك
مهملرنده دائما ارباب عقوله خطاب ايدلشدر . بونك ايچون (كشتىنك دىنى
عقلنه مريوطدر) سوزى علماء اسلاميه آره سنده مثل دىنى اولمشدر .
دىن اسلام ، دىن عقل وفطرت اولدىنى ايچون قرآن كريم قورو برايمان
ايله اكتفا ايتىپ حقايق كوتى تأمل ايله امر ايدر . انفس وآفاقده ،
سماوات وزمينك خلقتده ، ليل ونهارك ، فصول ومواسمك اختلافده نجه
اسرار وحقايق بولنديقى وبو اسرار كائنات تدقيق ايديلهرك وجودبارى يە
استدلال ايدلسنى امر ايدر . برچوق نصوص كله عجائب سماوات وزمينى مذكر
اوله رق نازل اولمشدر .

محمد كامل

اسلام اجتماعياتى

اسلاميت وعصرى مدنيت

سابق مقاله لرمنك برنده اسلاميتك عصرى مدنيتله قابل اشتلاف اولديغى
ادما ايتمشدك . بودعوائى اثبات ايچون ايكي مختلف يول تعقيب اولونه بيلير.
برنجيسى دوغرىدن دوغرى يە اسلاميتك اساسلارنى عصرى مدنيتك اساسلاريله

قارشیلادیرمق ؛ ایکنجیی خرسیتانلغک عصری مدنیتله اولان تضادم یاخود تالئی اسلامیتک لهنه‌سی یوقسه علیهنه‌سی بر حکم انتاج ایتدیکنی آرامقدن .

بز ، بوراده ، اول امرده ایکنجی طریقی تعقیب ایده‌جکز . چونکه بواصول ، بزه ، خرسیتانلغک اسلامیت اساسلندن اوزاق بولوندیجه عصری مدنیتله ائتلاف ایده‌مدیکنی و آنجیق اسلامیت اساسلرینه تقرب سایه‌سیده عصری مدنیتله ائتلافه موفق اولدیفنی اثبات ایده‌جکدر .

اساساً تامامیه اسلامیتک محمدلرینه مابین اولان بردینک برچوق تاریخی واجتماعی تجربه‌لردن سوکره ، معاصرلاشمق و علوم مثبته‌ایله باریشقی ایچون اسلامیت اساسلرینه تمسکدن باشقه هیچ برچاره کورمه‌مه‌سی ، اسلامیتک انک عصری واک علمی بردین اولدیفنه بویوک بر دلیل اولمازی ؟

اسلامیتله خرسیتانلق قورسندمه‌کی اساسی مابینک ایلک سببی ، محل ظهور لری اولان اجتماعی محیطلرده آرانالیدر . خرسیتانلق ، قوتلی بردولته محکوم و استقلال امیدندن محروم بر جماعت تابعه ایچنده ظهور ایتدیکنه مقابل اسلامیت ، هنوز دولت تشکیلاتنه مالک اولماقله برابر مستقل بر دولت تأسیسه مستعد اولان حر بر قوم ذرونده لمعانه باشلامشدن . دولت ، وظیفه صیانتلری درعهده ایتدیکی فردلری ، احکام قضائیه‌نه اطاعته اجبار صفقی حائر اولان بر ولایت عامه دیعکدر . خرسیتانلغک ظهوری زماننده روما دولتی واونک احکام قضائیه‌سی موجود ایدی . خرسیتانلق سیاسی برحکومت تشکیلاتی حاضر بولدیجی ایچون ، تأسیس حکومت و تأمین حقوق ایشلری امور دینه‌دن خارج ظن ایتدی . (دین باشقه‌در ، دولت باشقه) عمدسته شعار اتخاذایدرک « قیصره عائد اولانی قیصره وریکز ، اللهه عائد اولانی اللهه وریکز . » کبی قاعده‌لر قبول ایتدی . واقعا بوحرکتدن دولای ، خرسیتانلق ، سطحی نظرله یقانلر ایچون قضائی صلاحیتلری تامامیه حکومت برافروق ، منحصرأ دیانی اقتدار و اخلاقی موعظه‌لرله اشتغال ایدن بر دین صورتنده کورونه‌بیلیر .

حال بوکه ایشک ماهیتی قطعاً بویه دکلدن . خرسیانلق ، حکومت تشکیلاتی دینک خارچنده عدا یتمکه اوئی لامقدس اشیا صورته سوقیوردی . اوئی کندینه مال ایتمه‌سی ، حقیر کوردیکندن ایلری کلیوردی . بو حال ، رومالیرک ایلک خرسیانلره کرک ملیه و کرک دیناً مخالف اولسندن نشئت ایتمکه برابر ، بوشرائط دیکشدکدن سوکرده زائل اولمادی . چونکه خرسیانلق ، سیاسی حکومتی دیندن خارچ عدا یتمکه برابر پر یوزنه (Royaume des cieulx) سلطنت ساویه نامیله یکی بر حکومت کتیریوردی . بوسورتله ، خرسیانلق عالنده بری لامقدس عدولان بر حکومت خسانیه دن دیگری مقدس اعتقاد ایدیلن بر حکومت روحانیه دن عبارت اولوق اوزره ایکی درلو حکومت تشکل ایتدی . خرسیانلق ، ظهور ایتدیکی زمان ، حاضر اوله‌وقی منظم بر حکومت تشکیلاتی موجود بولونمسه‌یدی ، شه‌سز اوئی کندیمی تأسیسه چالیشه‌جق و کندیمی تأسیس ایتدیکی ایچون مقدس تلقی ایده‌جکدی . بو حکومت دینک داخلنده و مقدس اولدینی ایچون آرتق یکیدن بر حکومت روحانیه تشکیله مجبور اولمایه‌جقدی . بناء علیه روحانی و جسمانی حکومتلر نامیله براییکلک وجوده کله‌یه‌جکدی . ناصیلکه اسلامت بویولده حرکت ایتدی .

آوروپالیر ، اکثریتله ، خرسیانلقله اسلامی مقایسه ایتدکری زمان ، اسلامیتک احکام قضائیه‌یی احکام دینه‌دن عدا یتمه‌سی و دولت تشکیلاتی دینی تشکیلاتی داخلنده تلقی ایلنی اسلامیت ایچون برقیصه اوله‌رق ایلری سورمشلردن . حتی ، فکرلری بویه یللمچی منیبلردن آلمش اولان بعض مسلمانلرک بیله بوسورتله دوشونه‌یلدیکی کورولبور . حال بوکه مسئله تعمیق ایدیلنجه بو حالک برقیصه دکل ، بر فضیلت اولدینی تظاهر ایدر .

اسلامیت کوره ، احکام دینه برچنسدزکه احکام دینیه ، احکام اخلاقیه ، احکام قضائیه ناملریله اوچ نوعی محتویدر . بو اوچ نوع احکامک هپی دنییدر ، چونکه هپی مقدسدر . دین ، بر امتده مقدس طانیلان بوتون اعتقادلرک و قاعده‌لرک مجموعیدر . بدیی وفی قاعده‌لر لامقدس اولدقلری

ایچون دینک خارجده درلر . اسلامیت ، دیانی احکام کی اخلاقی و حقوقی قاعده لری ده مقدس تلقی ایدیور . بوتلقی ، اخلاق ایله حقوقک (انتفاعیاتی) ، (تاریخی ماده حیلک) ، (اجتماعی مقاوله) نظریه لریله ایضاخنه مانعدر . بونلره بالعکس ، فوق الفرد ، مقدس و براتی Transcendental برماهیت اسناد ایدر . بوکونکی اجتماعیات علمی ، اسلامیتک بو تلقیسنی تامیله تصدیق و تأکید ایدیور .

اسلامیت ، مقدس ماهیتی حائز اولان بوتون احکامی (دین) نامی آلتده طوبیلامقله برابر بونلری اوج نوعه آیریور . وهرنوعک آیری بر قوه مؤیده مالک اولدیقی کوستریور . دیانی احکامک قوه مؤیده سی اخروی قضائی احکامک قوه مؤیده سی محکمو ی اولدینی کی اخلاقی قاعده لریک قوه مؤیده سی ده (عرف) در (وَأَمْرٌ بِالصَّوْفِ) امری ورن، و (معروفی امر) ایدیکز ، منکری سی ایدیکز (بویوران اسلامیه کوره ، اخلاقی قاعده لریک معیاری عرف ، یعنی افکار عامه در . بوکونکی اجتماعیات علمی ده برچوق تحقیقلر نتیجه سنده ، بواساسلری قبول ایتمکدن باشقه برشی یایامشدر .

خرستیانلق ، روحانی بر حکومتک لزومه قائل اولدینی زمان بونی بر استعاره لی تعبیر اوله رق تلقی ایتمه مشدی . بو روحانی اولقله برابر یالکز معنوی بر قوه مؤیده مالکیتله اکتفا ایتمه جکدی ، مادی بر قوه مؤیده ده مالک اوله جکدی . اسلامیت ، آخرتده بر محکمه کبرانک موجودیتنه و افعالنرک دیانی جهت لرینک اوراده حسابی کوروله جکته قائلدر .

ایشته ، خرستیانلق ، حکومت روحانیه سنه مادی بر قوه مؤیده ویرمک ایچون او اخروی محکمه بی دنیا به کتیرمه قدرایلری کتیدی وقرون وسطی تاریخنده «انکیزسیون» نامیله معروف اولان روحانی محکمه لری تأسیس ایتدی .

اسلامیتده (شریعت ظاهره حکم ایدر) دستوری معروفدر . حال بوکه بوروحانی محکمه لر فردلرک امور باطنه وجدانیه سنه قدر انافاذ تجسس ایدیور ، هرکسک درجه ایمانی اولچمهک جالیشیوردی . حکومت روحانیه یالکز بو

محكمه لردن عبارت دكلمدى. (قونسل) ناميله ديانى قانونلر يايان بارلامتولرى
Droit canonique ناميله بو بارلامتولرك ياپيش اولدينى ديانى قانونلرى
موجوددى .

سياست ، عملى آدمرك تجربه ايله ادراك ايتكارى مىل دويفولره استاد
ايتديكى ايچون، سياسى مسئلهلرده (اكثريت حاكميتي) دوغرى بر اساس
اوله بيلير. چونكه بوكي مسئلهلرده اكثريا تجربه لى جاهلرك تجربه سز عالم لردن
دهازياده مصيب رايلىر بيان ايتديكى كورولمشدور. بناء عليه عالمرك آزه،
جاهلرك چوق اولسى سياستده اكثريت حاكميتى قاعده سته منافى اولماز .
ديانى ايشلره كلنجه بوتناميله ، برعلم واختصاص ايشيدر. بناء عليه ديانى
مسئلهلرك (قونسل) نامى ويريان مشورت مجلسلرنده مذاكره ايديلهرك
اكثريته قرار ويرهلسى وهر كسك بوقرارى مطاع طانيغه مجبور طوتولسى
جائز دكلدر .

علمى مسئلهلرده اولدينى كى ديانى مسئلهلردهده اكثريت رايى مطاع
اوله ماز . چونكه اكثريت سياسى مسئلهلرده هم آز خطا ايدر ، همده بو
خطادن بويوك بر محذور چيقماز. حال بوكه ديانى مسئلهلرده هم چوق دفعه لى
خطا ايدر ، همده بو خطا سلامت اخرويه تعلق ايتديكى جهتله غايت تهلكه ليدر.
ايشته بوكا بناء اسلاميت ، قونسل صورتنده هيچ بر اجتماع عقد
ايتميش ، هيچ بر اعتقاد يا خود عبادتى قانون تكليف ايدر كى اكثريت
راييله تاسيس ايتمه مشدور. مع مافيه قونسلر يالكز ، قانون طرزنده اعتقادلر
واينلر تكليفيله اكتفا ايتيور ، جزاسى محكمه روز جزايه تاند اولان
امور باطنه ايچون دنويى جزالر تعين ايدن ديانى قانونلرده ياييوردى .

روحانى ولايت عامه ، قونسل مجلسى ايله بابالق مقامنده بولونديغندن
قونسل مجتمتع اولمادى زمانلر پاپانك امرلرى ده ديانى قانونلر ماهيتنده ايدى.
چونكه پاپانك اجتهادى ده قونسل كى قرارى كى لايىحى ايدى . ايشته
اسلاميتده (اجتهاد اجتهادى نقض ايتمز) دستورنك ماهيتى بو حالق مقابله سيله
دها اى آكلاشيلير . خرمستانلقد قونسل اكثريت اجتهاديله پاپانك اجتهادى بوتون

عالمک اکجہا لری نفی ایدر . حال بوک اسلامیتده هیچ بر مقامک فتواسی مفتیلرک کندی . قاعتلرینه موافق فتوا ویرمه لرینه مانع اوله ماز . (استفت نفسک وان افتاک الح .) حدیث شریفی اسلامیتده حریت اجتهادک نه قدر واسع اولدیغی کوستریور .

(اجتهاد اجتهادی نفی ایتمز) قاعده سی « قضا قضای نفی ایتمز » معناسه دکلدز ، چونکه قضا قضای نفی ایدر ، فقط افتا افتای نفی ایدمه من . مجلس تدقیقات شرعیه محاکم شرعیه نک قضاسی نفی ایتمدیکی کی قاضیلر ، خلیفه نک وکیللری اولدیغی ایچون ، خلیفه مسائل مجتهد فهاده هانکی قول ایله عمل ایدلسنی امر بیورورسه قاضیلر اونیکه عمل ایتمک مجبوردر . فقط اسلامیتده مفتیلر بویله قیود دائره سنده افتایه مجبور دکلدزلر .

خرستیانلقده ایسه بوتون مفتیلر ، قونسل مجلسنک یاخود پایانک افتاسی دائره سنده قوی ویرمک حیانه مجبوردرلر .

اورتودوقش شعبه سنده (سن - سینود) مجلسنک قرارلری بویله بر ولایت افتای حائزدر . اسلامیتده شرائط افتای حائز اولان هر فرد صلاحیت افتایه مالکدر . فقط حسبالموقع ، ولایت افتای حائز هیچ بر فرد یوقدر . ولایت افتای حائز اولان یالکتر (وحی) در .

اسلامیتک احکام قضائیه یی احکام دینه دن عد ایتمی و دولتی مقدس کورمی ، بر تقیصه اولمایوب ، بالعکس بر فضیلتدر . چونکه اسلامیت ، حکومتی لامقدس ، قضای لادینی کورسه یدی خرستیانلق کی بر حکومت روحانیه ابداعنه مجبور اوله جقدی . اسلامیت ، خرستیانلق کی حرکت ایتمدیکی ایچوندرکه قونسل ، سن - سینود ، ابالق کی روحانی ولایت عامه یه یاخود ولایت افتایه مالک تشکیلاتلر ، انکیزیسیون اشکنجه کاهلری کی همکملر ، (قانونیک حقوق) صورتنده دینی قانونلر تأسیس ایتمدی . رهبانیت کی طبیعتک و حیاتک قانونلرینه منافی مؤسسه لر ایجاد ایتمدی . بالعکس دولتی ، قانونی ، محکمه یی مقدس تلقی ایتمدیکی ایچوندرکه اولوالامرہ اطاعت مؤمنلر آرہ سنده حقیقی اخوت و تعاون ، جهاد پولنده استحقاق حیات و منفعت

